



Inatsisartut Suleriaasianni § 36, imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq: Tjenestemanditut atorfeqarsimasut saniatigullu qinikkatut atorfeqarsimasut soraarnerussutisiassat arlaanik tigusinnaajunnaarneqartarnerat aaqqiiviginiarlugu Naalakkersuisut qanoq iliuuseqalersaarpat?

(Inatsisartuni Ilaasortaqaq Lars-Emil Johansen, Siumut)

Tunngavilersuut:

Soraarnerussutisianut sulisitsisumiit isumaqatigiissut malillugu aningaasarsianiit ilanngaatigineqartartut soraarinnngornissamat ileqqaarutit, atorfillit tamarmik atugarivaat.

Saniatigullu qinikkatut atorfeqarsimasut taamatuttaaq qinikkatut soraarnerussutisiassatut ileqqaqusaanerat isumaqatigiissutitigut atuuppoq saneqqunneqarsinnaanani, taamaattumik soraarinnngorlutik soraarnerussutisiassatik tigusaleraangamikkit soraarnerussutisiassatut ileqqaakkamik arlaasa tamakkiisumik ilanngaatigitinneqartarnerat eqqumiiginarsinnaavoq, sulinerminni ileqqaakkatik utoqqalinerminni iluaqutissatut naatsorsuutigalugu ileqqaagarivaat.

Taamannak inatsisip iluseqarluni atortinneqarnera assersuuteqqajaanarpoq pisiniarfimmut pisiniaraluarluni taamaattorli pisiassaq akilereeraluarlugu pisiarigaluakkap tigungitsoorneqarnera, akiliutillu utertinneqaratik, pisiniarfimmut iluaqutinngorlutik akiliisumullu annaasaqaataalerlutik.

Ajornartorsiutip aaqqiiviginissaa anguniarlugu Naalakkersuisut qanoq iliuuseqalersaarnersut paasissallugu soqutiginarpoq, tjenestemanditummi isumaqatigiissutillit ullumikkut sulis arlaqarput qinikkatuttaaq atorfeqartut.